

Evening Dogri News Bulletin, 24 January 2025

इवनिंग डोगरी न्यूज़ बुलेटिन

समे .18:15 Hrs



Headlines

- 1 प्रधानमंत्री नरेन्द्र मोदी होर गणतंत्र दिवस समारोह च हिस्सा लैने आहले एनसीसी कैडेटें, कलाकारें ते जनजातीय समुदाय दे परौहनें कन्नै अज्ज नमीं दिल्ली च मलाटी करडन।
- 2 जम्मू थमां गणतंत्र दिवस समारोह च हिस्सा लैने लेई नमीं दिल्ली जा करदे 20 खास परौहनें च अर्जुन पुरस्कार विजेता पैरा-तीरंदाज शीतल देवी ते राकेश कुमार होर मुख्त तौर पर शामिल ना।
- 3 जम्मू-कश्मीर च गणतंत्र दिवस समारोह कोला पैहले सुरक्षा बवस्था निगगर करी दित्ती गई ऐ। राश्ट्री सम्मान दे तौर उप्पर सब्बनें सरकारी इमारतें गी रोशनिएं कन्नै सजाया जा करदा ऐ।
- 4 लेफ्टिनेंट गवर्नर मनोज सिन्हा होरें आखेआ ऐ जे जम्मू-कश्मीर दे नौजवानें गी देसै दे आला दर्जे दे उद्घिणं च शामिल करने लेई सरकार बचनबद्द ऐ।
- 5 जम्मू-कश्मीर पुलसै पाकिस्तान च बसे दे 11 आतंकवादिणं दिआं किशतवाड जिले च मजूद संपत्तियां अटैच करी दित्तिआं ना।



PM R-Day Guests

प्रधानमंत्री नरेन्द्र मोदी होर नमीं दिल्ली च गणतंत्र दिवस समारोह 2025 दे एनसीसी कैडेटें, एनएसएस स्वयं सेवकें, युवा विनियम कार्यक्रम दे कैडेटें, झांकी कलाकारें ते जनजातीय समुदाय दे लोकें कन्नै अज्ज मलाटी करडन। प्रधानमंत्री हुंदे आवास पर इक कार्यक्रम दा सरिस्ता कीता गेआ ऐ, जित्थें प्रधानमंत्री होर पर्दे दे पिच्छे कम्म करने आले झांकी कलाकारें दे कन्नो-कन्नो इस बरे दी गणतंत्र दिवस परेड च हिस्सा लैने आले एनसीसी कैडेटें कन्नै गल्लबात करडन। गणतंत्र दिवस परेड 2025 भारत दी सांस्कृतिक बन-सबन्नता ते सैन्य कौशल दा इक अनोखा मिश्रण

होग, जेहदे च संविधान दे लागू होने दे 75 बरै ते जन भागीदारी उप्पर चेचा ध्यान दिता जाह्ग।

<><><><><><>

JK R.Day Guests

इस बरै नमीं दिल्ली च गणतंत्र दिवस समारोह च जम्मू खित्ते दे 20 विशिष्ट व्यक्ति खास परौहने दे तौर पर शामिल होंगन। इंदे च पैरालॉपिक च तगमा जित्ते आली ते अर्जुन पुरस्कार विजेता शीतल देवी ते राकेश कुमार मुख्त तौर पर शामिल ना। इंदे अलावा प्रधानमंत्री विश्व कर्मा योजना श्रेणी च प्रवीण चौधरी, शिडक निर्माण श्रेणी च हरदीप सिंह ते कस्तुरी लाल ते होर दुए राश्ट्रीय ते अंतराश्ट्रीय खेडु मकाबले च हिस्सा लैने आले खडारी शामिल ना। एहू लोक कर्तव्य पथ पर गणतंत्र दिवस समारोह च शामिल होने आले 10 ज्हार खास परौहने च शामिल ना।

इनें सब्बनें लोकें 76में गणतंत्र दिवस च उनेंगी खास परौहनें दे तौर पर सहने लेई प्रधानमंत्री नरेंद्र मोदी हुंदी अगुवाई आहली केंद्र सरकार दा आभार जताया ऐ। उधमपुर जिले थमां जेडे खास परौहनें गी सद्देआ गेदा ऐ उन्दे च जल योद्धा दे तौर पर कम्म करा करदी निशा शर्मा मुख्त ना। निशा होर जिले च सुक्की गेदे तलाएं ते होरनें जल स्रोतें च नमें सिरेआ जान भरने लेई सख्त मेहनत करा करदियां ना। गणतंत्र दिवस समारोह च खास परौहने दे तौर पर सद्दे जाने बारै निशा शर्मा होरें आकाशवाणी समाचार कन्नै गल्ल करदे होई आखेआ।

तोआई, उधमपुर जिले दे हेमराज होरेंगी बी खास परौहने दे तौर पर सद्देआ गेदा ऐ जेडे जिले च बक्ख-बक्ख खेत्तरें च रोजगार दे नमें मौके पैदा करने ते गरीब ग्रामीण लोकें गी औंदन बदाने लेई सख्त मेहनत करा करदे ना। गणतंत्र दिवस समारोह लेई नमीं दिल्ली सद्दे जाने पर हेमराज होरें आखेआ।

जिले दे गै इक्क होर बसनीक धर्मचंद होर बी खास परौहने दे तौर पर नमीं दिल्ली जा करदे ना। धर्मचंद होर करसानें दी औंदन दूनी करने लेई सहकारिता खेत्तर च अपना बडमुल्ला योगदान देआ करदे ना। इस बारै प्रतिक्रिया दिंदे होई उनें आखेआ।

<><><><><><>

Security-Arrangements

गणतंत्र दिवस समारोह गी सुचारू ढंगे सिर मनाने लेई सुरक्षा दे लोडचदे बंदोबस्त कीते गे'ना। केन्द्र शासत प्रदेश स्तह दा मुख कार्यक्रम जम्मू दे मौलान आजाद स्टेडियम च होग जित्थें उपराज्यपाल मनोज सिन्हा होर कार्यक्रम दी सदारत करगंन ते परेड दी सलामी लैंगन। इस्सै सिलसिले च अज्ज एम.ए स्टेडियम च फुल ड्रेस रिहर्सल कीती गई जिस दौरान जम्मू दे डिविजनल कमिशनर रमेश कुमार होरें राष्ट्रीय झंडा चाढेआ। 26 जनवरी गी प्रदेश सतह दा एह मुख कार्यक्रम उपराज्यपाल मनोज सिन्हा हुंदी प्रधानता च होग ते मुखमंत्री उमर अब्दुल्ला होर कार्यक्रम च मुख परौहने होंगन। गणतंत्र दिवस दे सरबंधे च महत्वै आली थाह पर पुलस ते नीम फौजी बल दी तैनाती कीती गेदी ऐ। अंतर्राष्ट्रीय बन्ने ते कब्जा रेखा पर खास तौर पर निगरानी कीती जा'रदी ऐ। सारी थाहें पर गड्डिं दी बह जांच कीती जा'रदी ऐ। जम्मू कश्मीर प्रशासन नै पूरे केन्द्र शासत प्रदेश दी सब्बने सरकारी इमारतें गी शैल सनाहकडे ढंगे कन्नै सजाने ते रोशन करने सनें समूलचे केन्द्र शासत प्रदेश च राष्ट्रीय गौरव ते एकता दे प्रतीक तिरंगे झंडे गी चाढने दे बी निर्देश दित्ते ना। एह्दे अलावा सब्बने सरकारी मलाजमें गी निर्देश दित्ता गेआ ऐ जे ओह अपने अपने जिले च होने आले गणतंत्र दिवस आले अधिकारिक समारोह च हिस्सा लैन।

<><><><><><>

Full Dress Rehearsal

गणतंत्र दिवस समारोह शा पैहले पूरे जम्मू खित्ते च अज्ज फुल ड्रेस रिहर्सल कीतियां गेइयां। रियासी जिले च जनरल जोरावर सिंह स्पोर्ट्स स्टेडियम च फुल ड्रेस रिहर्सल दौरान एडीसी राकेश कुमार होरें झंडा चाढेआ। इस मौके पर जम्मू-कश्मीर पुलस दा दल, एनसीसी कैटेट ते स्कूली बच्चें आसेआ रस्मी परेड बी कीती गई। इस मौके पर बोलदे होई एडीसी रियासी राकेश कुमार होरें आखेआ।

तोआई, उधमपुर च बी इस्सै चाल्ली दे सरकारी डिग्री कॉलेज च फुल ड्रेस रिहर्सल कीती गई जेदे च एडीसी उधमपुर रजिंद्र सिंह होरें राष्ट्रीय झंडा चाढेआ ते परेड दी सलामी लैती। इस मौके पर बोलदे होई ए.डी.डी.सी उधमपुर रजिंद्र सिंह होरें आखेआ।

इस्सै चाल्ली पुंछ, राजौरी, किशतवाड़ सने होरनें जिलें च बी गणतंत्र दिवस शा पैहले फुल ड्रेस रिहर्सल कीतियां गेइयां।

<><><><><><>

LG Youth

उपराज्यपाल मनोज सिन्हा होरें अज्ज आखेआ जे सरकार इस गल्लै गी यकीनी बनाने लेई बचन बद्द ऐ जे जम्मू-कश्मीर दे युवा देसै च शीर्ष स्तर दे उद्यमी दे तौर पर उभरियै सामने औन। एह गल्ल उनें आई.आई.एम जम्मू च ब्रिक्स युवा परिषद उद्यमिता रन अप इवेंट गी संबोधित करदे होई आक्खी। उनें आखेआ जे जम्मू-कश्मीर दे नौजवानें दा मुल्लखै दे शीर्ष स्तर दे उद्यमियें दे तौर पर उभरने कन्नै भारत दी अर्थ बवस्था च मता योगदान होगा। इस मौके पर उनें जम्मू-कश्मीर च तेजियै कन्नै होई दी औद्योगिक प्रगति पर लोहू पाई ते आखेआ जे पिछले किश बरें च जम्मू-कश्मीर च मती गिनतरी च उद्योगें गी कायम कीता गेआ ऐ ते मते सारें गी कायम करने दी योजना ऐ। इस बारै होर मती जानकारी दिंदे होई उपराज्यपाल होरें आखेआ।



Properties-Attached

जम्मू-कश्मीर च आतंकवादी नेटवर्कें गी इक्क बड्डा झटका दिंदे होई जम्मू-कश्मीर पुलस दे विशेष जांच युनिट एस.आई.यू नै किशतवाड जिले च औक्कडे 11 आतंकवादी कमांडरें दियां करोडें रपे दियां संपत्तियां अटैच कीत्तियां न जेडे पाकिस्तान च छप्पियै बैठे दे न। आकाशवाणी जम्मू दे संवाददाता दी रिपोर्ट मूजब एहू कार्रवाई आतंकवाद करी पैदा होने आहले खतरे कन्नै निब्बडने ते खित्ते च आतंकवादी ढांचें गी तबाह करने दी सरकार दी अहम रणनीति दे इक्क हिस्से दे तौर पर कीती गेई ऐ ते इसी चनाब घाटी च आतंकवाद खलाफ जारी लड़ाई च इक्क महत्वपूर्ण गैऽ दे तौर पर दिक्खेआ जा करदा ऐ। इस कार्रवाई दी अगुवाई किशतवाड दे एसएसपी जावेद इकबाल ते डीएसपी विशाल शर्मा होरें कीती ते इस दौरान आतंकवादी गतिविधियें च मलब्वस दोषियें दिएं संपत्तियें गी निशाना बनारया गेआ ऐ।



Girl Child Greetings

प्रधानमंत्री नरेन्द्र मोदी होरें राश्ट्रीय बालिका दिवस पर देशवासिं गी शुभकामनां दित्तियां न। इक सोशल मीडिया पोस्ट च मोदी होरें आखेआ जे सरकार नै बालिकां गी सशक्त बनाने च योगदान देने आले क्षेत्रें, जियां शिक्षा, Technology, कोशल ते सेहत सेवा पर ध्यान केन्द्रित कीता ऐ। उनें आखेआ जे सरकार एहू जकीनी करा'रदी ऐ जे कुडिं कन्नै कोई फर्कोफर्की नेई होए। उनें कुडिं गी सशक्त बनाने ते उ'नेंगी सुद्दे मौके प्रदान करने दी सरकार दी वचनबद्धता दोहराई। उपराज्यपाल मनोज सिन्हा होरें बी इस मौके अपनियां शुभकामनां दित्तियां। उनें

कुड़िएं गी सशक्त बनाने ते समाज च बदलाव दा प्रतीक बनाने दी महत्ता गी बी उजागर कीता,
तां जे उंदा बेहतर भविष्य जकीनी बनी सकै।

<><><><><><>

Kishtwar Girl Child Day

जिला प्रशासन किशतवाड़ समाज कल्याण मैहकमे दे सहयोग कन्नै अज्ज राष्ट्रीय बालिका दिवस
दे मौके पर कई सारी गतिविधियों दा सरिस्ता कीता जेदा मकसद युवा कुड़ियें गी सशक्त बनाना
ते उन्दे अधिकारें बारै जागरूकता पैदा करना हा। मौके पर बेटी बचाओ, बेटी पढाओ विशे पर
प्रेरणा देने आहले कार्जक्रमें दा सरिस्ता कीता गेआ जिंदे च कुड़ियें दी सुरक्षा ते उंदी शिक्षा पर
महत्ता दिती गेई। एहदे अलावा बक्ख-बक्ख सांस्कृतिक प्रदर्शनें दा आयोजन कीता गेआ जिंदे च
कुड़ियें ग्रुप नाच दी प्रस्तुतियां पेश कीतियां। किशतवाड़ एकट प्रोडक्शन आसेआ पेश कीती गेदी
इक स्किट च कुड़ियें दी शिक्षा ते उन्दे सशक्तिकरण पर बी बल दिता गेआ।

<><><><><><>